# Universal Declaration of Human Rights - Krio

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, <a href="http://www.unicode.org/udhr">http://www.unicode.org/udhr</a>.

### Tenki Tenki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashonal Komishon fo Demokrasi en Yuman Rayt na dem put dis Deklareshon na wi yon Sa Lon languej dem.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

# Di Stetment Bot Di Rayt Den We olman na Di Wol Fo Get

Wetin Kam Bifo (Introdokshon)

Soso we if wi sabi en gri se if ɔlman get insef yon respekt, i ikwal en get di sem rayt lek eni ɔda pɔsin ɔloba di wɔl, den di wanol wɔl sef go get fridɔm, jɔstis en pis; as tiŋ den we wiked pasmak dɔn apin bikɔs pipul dem nɔ wan fɔ gri se ɔlman ikwal.

Di tiŋ we di kɔmɔn man want pas ɔltin na di wɔl tide na fɔ mek ɛvribɔdi ebul fɔ se wetin i fil, ɔ tink bay aw tiŋ de bi, fɔ biliv wetin i want fɔ biliv ɛn gɛt bɛnifit frɔm ɔl wetin i nid, wit kolat.

If man fo liv wit kolat en no get fo de fet fo in yon yon rayt, den i impotant fo mek di lo protekt da rayt de;

Na semweso i gud fo le kolat en frenship de bitwin neshon en neshon den.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man o uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di memba kontri den na di Yunayted Neshon don gri fo joynan en mek sho se den go get fridom, jostis en pis sote go.

Fo mek dis wanwod ol wata oloba di wol, evribodi foondastand wetin den rayt en den fridom, jostis en pis yaso min.

so, le wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oLoba di wol pipul den go get fridom, jostis en pis.

Atikul Wan

evribodi bon fri en get in yon rayt, non wan no pas in kompin. Wi ol ebul fo tink en fenot wetin rayt en ron pantap dat wi fo sabi aw fo liv lek wan big famili.

## **Atikul Tu**

evribodi fo get di sem rayt en fridom we dis stetment tok bot, no mata weda in na wetman o blakman, man o uman, bukman o yu no sabi rid en rayt, poman o moniman, kristien o muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best divelop kontri na di wol.

## Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

#### Atikul Fo

Nobodi no fo mek in kompin in slev – dis, oznitin sef we fiba am fo tap.

# **Atikul Fayv**

Nobodi no fo mek in kompin sofa bita wiked pen na bodi o shem sote i los da in yon yon respekt.

## **Atikul Siks**

evribodi get rayt fo mek pipul den respekt am as motalman enisay na di wol en, sef, fo mek di loep am get dis respekt.

### Atikul Sevin

evribodi ikwal en di lo fo ebul protekt eniwan wantem we oda pipul den na trit wan du am wetin in motalman rayt no gri foo if bad pipul se oda wan agens am.

### Atikul Et

εvribodi we tink se den don go agens in rayt we dis stetment tok bot, fo ebul get ol di εp we i nid from εni kotos we get pawa na in kontri.

# **Atikul Nayn**

Nobodi no fo arest, jel o dreb eni posin komot na in yon kontri jes bikes i fil fo du so.

### Atikul Ten

enibodi we den arest fo tin we i du agens di lo, fo get ful protekshon from Loya den we go tinap fo am na kotos.

#### Atikul Ilevin

- 1. ɛnibɔdi we dɛn kɛr go kot fɔ tiŋ we dɛn se i du agens di lɔ fɔ gɛt di rayt fɔ se in nɔ du da tiŋ de ɛn di kot fɔ biliv am. I go lɛf wit di kot naw fɔ pruv se i du am na pɔblik trayal usay insɛf go gɛt in yon Lɔya dɛn we go fɛt in kes fɔ am.
- 2. Nobodi no fo pas jojment se posin gilti o iponish da posin de fo lek big ofens we pas wetin i du ε sef, we notoofens insay in yon kontri ooda kontri den na di wol.

#### **Atikul Twelv**

Nobodi no get rayt fo intafia as i lek wit oda posin in kolat, in fambul, in om en in leta den we oda pipul rayt to am, o ivin tray fo pwel in gudnem o in respekt. Di lo fo protekt evribodi fo den kanaba molesteshon yaso.

## **Atikul Totin**

- 1. evribodi get rayt fo go enisay en tap enisay na eni pan di kontri den we de na di Yunayted Neshon; pantap dat, i fri fo komot na in kontri peniwan pan di kontri den na di Yunayted Neshon en ton bak kam na in yon kontri we i pliz.
- 2. [Missing?]

### **Atikul Fotin**

- 1. enibodi we tink se in layf de pan denja get di rayt fo aks mek den alaw am, en in fo get da pamishon de fo tap na eni oda kontri na di wol. Bot, if di rizin we mek da posin de wan komot na in kontri go tap odasay no get natin fo du with politiks, o na tin we di Yunayted Neshon stetment de agens, den i no go get da rayt de.
- 2. [Missing?]

### **Atikul Fiftin**

- 1. Evribodi get rayt fo get wan kontri we i go kol in yon.
- 2. Nobodi no get rayt, jes bikos i fil so, fo, mek sombodi no ebul fo kol in kontri in yon igen, en, pantap dat, nobodi no get da pawa de fo tap enibodi we want fo chenj di kontri we i go kol in yon.

## **Atikul Sikstin**

- 1.  $\epsilon$ Ni man  $\epsilon$ n uman we don ofej, no mata if den tu no to di sem trayb, kola o rilijon, get di rayt fo mared, bon pikin  $\epsilon$ n bigin den yon famili. Den fo get di sem rayt as maredman  $\epsilon$ n mareduman, ivin if di mared brok sef.
- 2. Fo mek di mared get minin, di man en di uman fo no plen wan wetin den de du en den fo gri fo bi man en wef.
- 3. [Missing?]

# **Atikul Sevintin**

- 1. evibodi get rayt fo get propati fo insef o fo joyn wit oda pipul den en get di propati.
- 2. Nobodi no fo tek eni posin in yon propati komot na in an we i jes fil nomo fo du so.

# **Atikul Etin**

evibodi get rayt fo tink aw i want, fil aw i want bot enitin we de apin enisay, en joyn eni grup o choch oeni oda God wok fo prez God di we i fil, igen sef, i fri fo chenj in grup o choch en ivin di we aw i fil bot God; pantap dat, i fri fo woship in wangren o wit oda pipul den na poblik o prayvet.

# **Atikul Nayntin**

evribodi get rayt fo tink wetin i fil en fo se wetin i fil. Dis min igen se nobodi no fo ambogin eni oda posin bikos of wetin i fil o biliv. I get di raty fo sho, tok bot, fala o ivin tich wetin i biliv to oda posin den, ilek usay o uskayn we i pas di wod.

#### **Atikul Twenti**

- 1. evribodi fri fo bi memba of eni grup we i chuz wans nomo den no de du enitin de fo brin ambog o trobul na di kontri.
- 2. Nobodi no fo fos eni posin fo jony eni grup we i no want fo joyn.

### Atikul Twenti Wan

- 1. Evribodi get rayt fo du wetin i ebul du foep di govament of in kontri. I kin du dis if i wok wit di govament o if i vot fo pipul den we go wok wit di govament.
- 2. Evribodi get di sem rayt fo yuz ol govament propati we de fo di poblik.
- 3. Wetin di pipul den want nain di govament fo du. Di pipul den go sho wetin den want we den wan we don big du fo vot go vot na jenaral ilekshon from tem to tem. Nobodi no fo fos den, nobodi no fo tap den fo fri fo vot usay nobodi no go si den, en fo udat den want.

# Atikul Twenti Tu

evribodi get rayt foekspekt in kontri fo protekt am en gi am chans fo divelop insef enisay en bi sombdi wit respekt en we go ebul insef pan wok o biznes o stodi te in kontri kin si am as wan posin we fo abop pan.

### Atikul Twenti Tri

- 1. Evribodi get rayt fo wok, fo du di wok we i lek en fo get gud pe fo di wok we i de du.
- 2. Evribodi fo get di sem pe fo di sem wok.
- 3. Evribodi we de wok get rayt fo get di kayn pe we go mek in en in famili ebul fo liv lek nomal motalman den, en if i posibul sef, den kin get oda kayn ep fo mek layf bete fo den.
- 4. Evribodi get rayt fo form tred Yunion o joyn an as wokman o wokuman fo mek nobodi no tinap pan den rayt na di wokples.

# Atikul Twenti Fo

evribodi get rayt fo rest en rilaks in bodi, insay dat, den fo rest afta den don wok don evride. Pantap dat, den fo get tem we den go go olide (evri ia liv) en get den pe fo da liv tem de.

# **Atikul Twenti Fayv**

- 1. evibodi get rayt fo liv di kaynaba layf we go mek in en in famili den no sik, i fo ebul get tin fo it, klos, os, meresin en i fo ebul abop se if tin bad fo am na layf, leke i sik, in patna o pikin sik, i lef wok, day mit am o i kam ol tumos, i go get ep from di govament.
- 2. Lili pikin en mami we get pikin get rayt fo get speshal ep en dis ep no fo difren ivin if noto di maredwef ben di pikin. Maredwef pikin en switat pikin fo get di sem tritment en benifit olsay.

#### **Atikul Twenti Siks**

1. evribodi get rayt fo get edyukeshon; elimentri en praymari fo bi fri, en elimentri en praymari edyukeshon fo bi bay fos, bay kompel. enibodi we want, kin get di kayn edukeshon we go tren am fo speshal jab den. Yunivasiti edyukeshon go de foenibodi we want am, en we fit fo get am.

2. Edyukeshən go tren di lana fə gro fə respekt di rayt en fridəm we əda pipul den get. I go mek pipul den ebul fə liv togeda nə mata weda den de na di sem kəntri ə səm bi frəm əda kəntri, weda den get di sem kəla ə den ivin jəyn di sem rilijən; dis go ep mek di Yunayted Neshən den wok fə get pis en kolat əlsay na di wəl izi.

3. Na di mami en di dadi fo disayd uskayn edyukeshon den pikin fo get; if den no ebul o den no de, den, oda posin kin du am.

# **Atikul Twenti Sevin**

- 1. evribodi get rayt fo tek pat pan ol den kaynaba aktiviti we blant in kontri leke di sinen dans, di dresin en di picho droin den we de sho tin den bot in kontri. I get di rayt igen sef fo tek pat en benifit from di gud tins den we sayens don brin kam na in kontri.
- 2. evribodi get rayt fo kip en enjoy as in yon enitin we insef fenot, du o rayt insay sayeens, raytin drama ple aktin.

### Atikul Twenti Et

evribodi get rayt fo benifit from grup we get pawa oloba di wol fo mek sho se evribodi go enjoy den rayt en fridom den we dis stetment tok bot.

# Atikul Twenti Nayn

- 1. Evribodi get in yon wok we in fo du na in sosayti fo mek sho se i go liv api en ful layf insay de.
- 2. We posin de tray foenjoy in rayt den en in fridom den na sosayti, i fo memba se di lo de fo mek sho se i memba se oda posin densef get den yon rayt en fridom we i fo respekt so dat oda en kolat go de olobot (olsay).
- 3. Den rayt en fridom den ya we de na dis stetment we komot na Yunayted Neshon na fo mek pipul den get pis en kolat na den kontri. Nobodi no fo tray fo mek pipul den fo get oda tin pas dat.

### **Atikul Tati**

Natin no de insay pan den stetment yaso we min bad foeni posin o grup of posin insay eni kontri so, mek nobodi no fil dat.